

K204.3

1

資治通鑑卷第三百九十

端明殿學士兼翰林院讀學士太中大夫提舉西京嵩山崇福宮上柱國河內

郡開國公食邑二千六百戶食實封壹仟戶臣

司馬光奉

勅編集

後學天台胡三省音註

後周紀一

起重光大淵獻盡玄默困敦八月凡一

戰國之世傳謂虢叔之後有國者為虢公後
謂之郭公號音相近也虞大夫宮之奇曰虢
仲虢叔王季之穆也郭之得姓本於
周故建國號曰周通鑑因謂之後周

太祖聖神恭肅文孝皇帝上

姓郭氏諱威邢州
堯山人父簡事晉
為順州刺史

廣順元年春正月丁卯漢太后下詔授監國符寶即

皇帝位監國自臯門入宮

臯門大梁城外村名

即位於崇元殿

制曰朕周室之裔號叔之後國號宜曰周改元大赦

楊邠史弘肇王章等皆贈官官爲歛葬

楊邠等死見上卷上年爲

于僞翻斂力贍翻

仍訪其子孫叙用之凡倉場庫務掌納官

吏無得收斗餘稱耗

斗餘槩量之外又取其餘也稱耗稱計斤鈞石之外又多取之

以備耗折今悉除之矯王章苛斂之弊也稱尺證翻

舊所進羨餘物悉罷之

羨弋

戰翻羨餘唐之流弊也至五季而愈甚

犯竊盜及姦者並依晉天福元

年以前刑名罪人非反逆無得誅及親族籍沒家貲

矯史弘肇虐刑之弊也

唐莊宗明宗晉高祖各置守陵十戶漢

高祖陵職貢宮人時月薦享及守陵戶並如故初唐

衰多盜不用律文更定峻法竊盜賊三匹者死晉天

福中加至五匹姦有夫婦人無問強和男女並死謂強

男以威力加女女不得已而與之通姦者漢法竊盜一

錢以上皆死又罪非反逆往往族誅籍沒故帝即位

首革其弊初楊邠以功臣國戚爲方鎮者多不閑吏

事也閑習乃以三司軍將補都押牙孔目官內知客其

人自恃敕補多專橫橫下孟翻節度使不能制至是悉罷

之帝命史弘肇親吏上黨李崇矩訪弘肇親族崇矩

言弘肇弟弘福今存初弘肇使崇矩掌其家貲之籍

由是盡得其產皆以授弘福帝賢之使隸皇子榮帳

下 戊辰以前復州防禦使王彥超權武寧節度使

時劉贊將鞏延美等守徐州

漢李太后遷居西宮

按薛史漢太平宮蓋即西

官 已巳上尊號曰昭聖皇太后

掌翻 開封尹兼中

書令劉勳卒 癸酉加王峻同平章事 以衛尉卿

劉皞主漢隱帝之喪

劉勳既卒它無親屬故也

初河東節度使

兼中書令劉崇聞隱帝遇害欲舉兵南向聞迎立湘

陰公乃止曰吾兒爲帝吾又何求太原少尹李驤陰

說崇曰

說式內翻

觀郭公之心終欲自取公不如疾引兵

逾太行據孟津

行戶刪翻

俟徐州相公即位

相陰公本鎮徐州故稱之

然後還鎮則郭公不敢動矣不然且爲所賣崇怒曰

腐儒欲離間吾父子命左右曳出斬之間古覓翻曳讀曰拽音羊

列驤呼曰吾負經濟之才而爲愚人謀事呼火故翻爲于僞翻

死固甘心家有老妻願與之同死崇并其妻殺之且

奏於朝廷示無二心及贊廢崇乃遣使請贊歸晉陽

詔報以湘陰公比在宋州比毗至翻今方取歸京師必令

得所公勿以爲憂公能同力相輔當加王爵永鎮河

東鞏廷美楊溫聞湘陰公失位奉贊妃董氏據徐州

拒守以俟河東援兵劉贊令鞏廷美等守徐州事始見上卷帝使贊

以書諭之廷美溫欲降而懼死降戶帝復遺贊書曰

爰念斯人盡心於主

復扶又翻遺唯季翻主謂劉贊

足以賞其忠義

何由責以悔尤俟新節度使入城

新節度使謂王彥超

當各除

刺史公可更以委曲示之

唐末主帥以手書諭示將佐率謂之委曲

契

丹之攻內亡也

事見上卷上年

死傷頗多又值月食軍中多

妖異契丹主懼不敢深入引兵還

胡人用兵以月爲候月食又多妖異

故懼而不敢進妖一遙翻還從宣翻又如字

遣使請和於漢會漢亡安國

節度使劉詞送其使者詣大梁帝遣左千牛衛將軍

朱憲報聘且叙革命之由以金器玉帶贈之

帝以

鄴都鎮撫河北控制契丹欲以腹心處之

處昌呂翻

乙亥

以寧江節度使侍衛親軍都指揮使王殷爲鄴都留守

天雄節度使同平章事領軍如故仍領侍衛仍以侍

衛司從赴鎮丙子帝帥百官詣西宮為漢隱帝舉

哀成服皆如天子禮去年遷隱帝梓宮於西宮事見上卷帥讀曰率為干偽翻

慕容彥超遣使入貢帝慮其疑懼賜詔慰安之曰今

兄事已至此言不欲繁望弟扶持同安億兆漢祖慕容彥超

之兄也今兄薛史作令兄當從之戊寅殺湘陰公於宋州是日

劉崇即皇帝位於晉陽劉崇漢祖母弟也仍用乾祐年號所

有者并汾忻代嵐憲隆蔚沁遼麟石十二州之地宋

曰憲州故樓煩監牧唐昭宗龍紀元年李克用奏置

憲州宋太宗之平太原折御卿自府州會兵攻劉繼

元先克岢嵐軍次克隆州次克嵐州則隆州蓋

晉漢間所置其地在岢嵐嵐谷之間沁七鳩翻以節

度判官鄭珙為中書侍郎珙居觀察判官滎陽趙華

為戶部侍郎並同平章事以次子承鈞為侍衛親軍

都指揮使太原尹以節度副使李存瓌為代州防禦

使裨將武安張元徽為馬步軍都指揮使九域志武安縣屬洛

州在州西陳光裕為宣徽使北漢主謂李存瓌張元

徽曰通鑑書嶺南之漢為南朕以高祖之業一朝墜

地今日位號不得已而稱之顧我是何天子汝曹是

何節度使邪由是不建宗廟祭祀如家人宰相月俸

止百緡節度使止三十緡按唐世百官俸錢自會昌以後不復增減三師二百

萬三公百六十萬侍中百五十萬中書令兩省侍郎兩僕射東宮三師百四十萬尚書御史大夫東宮三

少百萬節度使三十萬至梁開平五年宰臣俸二百千後唐同光四年定節度副使每月料錢四十千則節度使當又多今北漢主皆減其數俸扶用翻自餘薄有資給而已故其國

中少廉吏少詩客省使河南李光美嘗為直省官省三

有直省官凡百官詣宰相皆差直省官引接其職則外鎮客司通引之職也頗諳故事諳鳥

舍北漢朝廷制度皆出於光美北漢主聞湘陰公死翻

哭曰吾不用忠臣之言以至於此為李驤立祠為于偽翻

歲時祭之已卯以太師馮道為中書令加竇貞固

侍中蘇禹珪司空王彥超奏遣使齎敕詣徐州鞏

廷美等猶豫不肯啟關詔進兵攻之帝謂王峻曰

朕起於寒微備嘗艱苦遭時喪亂喪息浪翻一旦為帝王

豈敢厚自奉養以病下民乎命峻䟽四方貢獻珍美

食物庚辰下詔悉罷之

按薛史本紀詔應天下州府舊貢滋味食饌之物所宜除

減其兩浙進細酒海味薑瓜湖南枕子茶乳糖白沙

糖橄欖子鎮州高公米水梨易定栗子河東白杜梨

米粉菜豆粉玉屑粳子麩末興御田紅秔米新大麥

麩興平蘇栗子華州麝香羚羊角熊膽獺肝朱柿熊

白河中樹紅棗五味子輕錫同州石鏃餅晉絳蒲萄

黃消梨陝府鳳栖梨襄州紫薑新笋橘子安州折粳

米糟味青州水梨河陽諸維果子許州御李子鄭州

新笋鵝梨懷州寒食杏仁申州蘘荷亳州草薺公淮

州郡淮白魚今其詔略曰所奉止於朕躬所損被於

後不須進奉

眊庶

眊被皮義翻眊謨耕翻

又曰積於有司之中甚為無用之物

又詔曰朕生長軍旅

長知兩翻

不親學問未知治天下之

道

治直之翻

文武官有益國利民之術各具封事以聞咸

宜直書其事勿事辭藻帝以蘇逢吉之第賜王峻峻

曰是逢吉所以族李崧也

事見二百八十八卷漢乾祐元年

辭而不

處

使王峻處權勢之間皆以是心處之必不至有商州之禍矣

處昌呂翻

初契丹主

北歸

見二百八十七卷漢高祖天福十二年

橫海節度使潘聿撚弃鎮

隨之契丹主以聿撚為西南路招討使

撚乃殄翻

及北漢

主立契丹主使聿撚遺劉承鈞書北漢主使承鈞復

書稱本朝淪亡紹襲帝位欲循晉室故事求援北朝

遺唯季翻晉室故事謂晉祖事契丹以求援故事也朝直遙翻下同

契丹主大喜北漢

主發兵屯陰地黃澤團柏

屯陰地者欲窺晉陽屯黃澤者欲窺邢趙屯團柏者

欲窺鎮定

丁亥以承鈞為招討使與副招討使白從暉都

監李存瓌將步騎萬人寇晉州從暉吐谷渾人也

郭崇威更名崇曹威更名英

皆避帝名也
更工衡翻

二月丁

酉以皇子天雄牙內都指揮使榮爲鎮寧節度使選

朝士爲之僚佐以侍御史王敏爲節度判官右補闕

崔頌爲觀察判官校書郎王朴爲掌書記

爲王朴見
任於世宗

張本頌協之子

崔協相後
唐明宗

朴東平人也

戊戌北漢兵

五道攻晉州節度使王晏閉城不出劉承鈞以爲怯

蟻附登城晏伏兵奮擊北漢兵死傷者千餘人承鈞

遣副兵馬使安元寶焚晉州西城元寶來降承鈞乃

移軍攻隰州

九域志晉州西北至
隰州二百五十里

癸卯隰州刺史許

遷遣步軍都指揮使孫繼業迎擊北漢兵於長壽村

唐武德二年分隰州石樓置長壽縣貞觀元年省入石樓執其將程筠等殺之未

幾北漢兵攻州城幾居數日不克死傷甚衆乃引去

遷鄆州人也 甲辰楚王希萼遣掌書記劉光輔入

貢于唐考異曰湖湘故事光輔作光漸今從十國紀年帝悉出漢宮中

寶玉器數十碎之於庭曰凡爲帝王安用此物聞漢

隱帝日與嬖寵於禁中嬉戲珍玩不離側嬖卑義翻又必計翻

離力茲事不遠宜以爲鑑仍戒左右自今珍華悅目

之物無得入宮 丁未契丹主遣其臣裊骨支與朱

憲偕來裊奴鳥翻歐史作裊朱賀即位 戊申敕前

資官各聽自便居外州

漢隱帝乾祐二年冬楊邠奏前資官分居兩京事見二百

八十八卷

陳思讓未至湖南馬希萼已克長沙思讓留

屯郢州敕召令還

去年十一月漢朝議發兵救潭州內難作而不果劉鄩易姓之際必

未暇遣將南略未知陳思讓為誰朝所遣當考按薛史周太祖登極遣陳思讓帥偏師至安郢以圖進取長沙陷乃班師則帝所遣也丁巳遣尚書左丞田敏使契丹北

漢主遣通事舍人李訢使于契丹

訢俗辯字從功從言宋景文手記曰

北齊時里俗多作偽字始以巧言為辯至隋有柳訢其字又以玃易巧矣

乞兵為援

詔

加泰寧節度使慕容彥超中書令遣翰林學士魚崇

諒詣兗州諭指崇諒即崇遠也

魚崇諒先因避漢祖諱改名

彥超

上表謝三月壬戌朔詔報之曰向以前朝失德少主

用讒少詩照翻

倉猝之間召卿赴闕卿即奔馳應命信宿

至京救國難而不顧身聞君召而不俟駕難乃旦翻以至

天亡漢祚兵散梁郊降將敗軍相繼而至卿即便回

馬首徑反龜陰

兖州在龜山之陰慕容彥超赴大梁還兖州事並見上卷上年

為主

為時

偽為于翻

有終有始所謂危亂見忠臣之節疾風知

勁草之心若使為臣者皆能如茲則有國者誰不欲

用所言朕潛龍河朔之際平難浚郊之時

難乃旦翻浚郊謂大

梁之郊大梁有浚水詩云子子干旄在浚之郊韓愈從董晉於汴州賦曰非夫子之洵美兮吾何為乎浚

都之緣不奉示喻之言亦不得差人至行闕且事主之

道何必如斯若或二三於漢朝

朝直遙翻

又安肯忠信於

周室以此爲懼不亦過乎卿但悉力推心安民體國

事朕之節如事故君不惟黎庶獲安抑亦社稷是賴

但堅表率未議替移由衷之誠言盡於此以慕容彥超不自安

故以此詔撫諭之唐以楚王希萼爲天策上將軍武安武

平靜江寧遠節度使兼中書令楚王以右僕射孫忌

孫忌即孫晟歐史曰晟一名忌又名鳳客省使姚鳳爲冊禮使 丙寅

遣前淄州刺史陳思讓將兵戍磁州扼黃澤路磁州西北

當黃澤關路口磁牆之翻楚王希萼旣得志多思舊怨殺戮無

度晝夜縱酒荒淫悉以軍府事委馬希崇希崇復多

私曲政刑紊亂復扶又翻府庫旣盡於亂兵籍民財